



錦繡萬花谷續集卷之十五

類姓

馮

年十八上書馮野王字君卿通詩以父任為太子中庶

子年十八上書願試守長安令

漢書

彈鋏歌馮驩躡屩而見孟嘗君彈劍鋏而歌

孟嘗君傳

稱誦著廊廟馮唐以孝著為中郎署長對文帝論將帝

悅拜為車騎都尉景帝以唐為楚相免武帝求賢良舉
唐唐時年九十餘不能復為官乃以唐子馮遂為郎

遂字

王孫亦奇士

太史公曰馮公之論將率有味哉語曰不知其

人視其友馮之所稱誦可著廊廟

史記

大樹將軍馮異字公孫潁川人通左氏春秋孫子兵法

號大樹將軍 本傳

騏驥在東隣馮素弗跋之長弟慷慨有大志雄傑不羣任俠放蕩不脩小節盛藻竒之曰吾遠求騏驥不知近在東隣何識子之晚也 晉書

閉門三十年馮偉字偉節尤明禮傳閉門三十年專精覃思無所不通 儒林

賜禁中瑞錦馮定字介夫與宿齊名人方漢二馮第進士異等遷太常少卿文宗嘗詔開元霓裳羽衣舞參以雲韶肄于廷定部諸工立縣間端疑若植帝異之召升殿賜禁中瑞錦 本傳

熊

可當五百人哀公十六年白公勝謂石乞曰市南有熊

宜僚者若得之可以當五百人矣石乞見之告之故承之以劍不動勝曰不為利諂不為威揚去之 左傳

正色在朝熊遠字孝文豫章人翹之子也有志尚領武昌太守累遷尚書左丞在朝正色不苟柔吐剛忠亮至到轉御史中丞又拜太常卿有毗濟之道其穰穰之佐乎第縉終鄱陽太守縉子鳴鵠武昌太守 晉書

好學不倦熊安生字植之少好學勵精不倦仕齊為國子博士周使尹公正問周禮所疑安生一一演說公正

嗟服 儒林傳

有文當典誥命熊本擢進士第累除天章閣待制神宗曰熊本有文當遂典誥命除知制誥判司農寺都水監丞 名臣傳

種

賑恤宗族種高河南人父有財三千萬父卒高悉以賑恤宗族及邑里之貧者後漢書

宗

汝南太守宗資為汝南太守任功曹范滂郡中謠曰汝南太守范孟博南陽宗資主畫諾本傳

長風破萬里宗慤年少叔父少文問其所志答曰願乘長風破萬里浪南史

宗曾子宗元卿有至行鄉人號曰宗曾子孝義

有儒者風宗欽好學有儒者風仕沮渠蒙遜為世子洗馬上東宮侍臣

小兒學士宗慤少聰敏好讀書語輒引古事鄉里呼為

小兒學士並北史

封

有大臣之體封孚祖俊振威將軍父放慕容暉之世吏部尚書孚幼而聰敏和裕有士君子之稱慕容德曰朕平青州不以為慶喜於得卿也外總機事內參密謀雖位任崇重謙虛博納甚有大臣之體後為太尉晉載記

三世同財封延伯三世同財為北州所宗附為梁郡太守有高士風南史

殿中尚書封回明帝時為瀛州刺史乘寇亂水潦之後表求賑恤免其租調州內賴之後為殿中尚書北史

自致卿相封倫年方少舅盧思道曰是兒識畧過人當

自致卿相唐書

龔

兩龔皆楚人勝字君賓舍字君倩二人相友並著名節世謂之楚兩龔前漢書

潔已自守龔壯潔已自守惟研考經典譚思文章晉隱

潯陽郡丞龔孟舒通毛詩善談名理仕梁位潯陽郡丞

洪

文詞知名皇朝豫章洪氏山谷四甥皆以文詞知名朋字龜父同郡黃著集龜父詩百篇為一集山谷以謂句句可傳也芻字駒父殫洽開豁溢于文詞擢諫大夫為詩百餘篇著老圃前後集炎字玉父登第元祐之末試吏紹聖之初顯於宣和貴於紹興羽字鴻父元符之末上書入籍遂終其身兵火之後詩文無傳焉朝廷官其

一子百家詩選

鍾

九辟公府不就鍾皓少以篤行稱避隱密山前後九辟

公府皆不就為士大夫所歸慕及皓終諸儒頌之曰材慮懿德非禮不處悅此詩書絃琴樂古五就州招九膺

台輔逡巡主命卒歲容與儒林傳

專掌文翰鍾嶸好學有思理明周易兩為記室專掌文

翰南史

醉與虎鬪鍾傳少射獵醉遇虎與鬪虎搏其肩而傳持

虎不置會人斬虎然後免既貴悔之戒諸子曰士處世尚智與謀勿效吾暴虎也唐書

龍

口無擇言龍伯高名述京兆人爲山都長馬援嘗誡其兄子曰龍伯高敦厚周慎口無擇言謙約節儉廉公有威吾愛之重之願汝曹効之効伯高不得猶爲謹勅之士所謂刻鵠不成尚類鶩者也光武由是擢拜零陵太守馬援傳

使吳越不拜龍敏少仕州攝參軍劉守光亂敏避之滄州遂客於梁乂不調敏素善馮道監軍張承業辟敏監軍巡官使掌奏記莊宗即位召拜司門員外郎爲興唐尹事祖父以孝聞累拜吏部侍郎歷晉爲太常卿使於吳越是時使吳越者見吳越王皆下拜敏獨揖之遷工部侍郎五代史

終

終童終軍年十八選爲博士弟子太守聞其異材甚竒之與交結軍揖太守而去至長安上書武帝異其文拜爲謁者上白麟竒木之對入關棄繻請受長纓羈南越王年二十餘世謂之終童前漢書

宮

忠臣之謀新序曰晉獻公假道於虞以伐虢宮之竒諫曰唇亡則齒寒今日亡虢明日亡虞可謂忠臣之謀也

豐

言近習之非皇朝豐稷舉進士爲蒙城簿稍擢監察御史裏行言王安禮不可知制誥及安禮遷翰林學士復力言之除著作佐郎遷吏部員外郎提點利州路刑獄哲宗即位徙成都府路召爲工部員外郎遷殿中侍御

史右司諫改國子司業起居舍人太常少卿國子祭酒兼侍講拜刑部侍郎數上疏言近習之非

蒙

家世為將蒙恬齊人也嘗書獄典文學因家世得為秦將攻齊大破之拜為內史

史記

雍

雍伯之後風俗通云周文王第十二子也雍伯之後以國為姓今或音雍州之雍鄭大夫有雍糾楚有雍子齊有雍廩宋有雍鉏漢什邡侯雍齒沛人也

翁

登進士擢宏詞翁承贊父巨隅嘗為滎陽府參軍承贊乾寧間登進士第繼擢宏詞天祐初以右拾遺受詔冊

王審知為瑯琊主尋為右諫議大夫福建鹽鐵使後除門下侍郎同中書門下事於使閩時建陽別舊識僧亞齊詩云瀟瀟風雨建陽溪溪畔維舟見亞齊一軸新詩劍潭北十年舊識華山西吟魂惜向江村老空性元知世路迷應笑乘輶青瑣客此時無暇聽猿啼又詠槐詩雨中粧點望中黃勾引蟬聲送夕陽憶得當年隨計吏馬蹄終日為君忙

江

巖然稀言江統字應元靜默有遠志時語曰巖然稀言

江應元 晉書

後進之美江夷字茂遠少自藻厲為後進之美仕宋歷吏部尚書吳郡太守後為右僕射

南史

夢筆江淹字文通不事章句之學留情於文章起家南徐州從事升降承明之闕出入金華之殿仕齊拜中書侍郎王儉曰卿年三十五已為中書侍郎才學如此何憂不至尚書金紫所謂富貴卿自取之在尚書非公事不妄行在官寬猛能折衷為南司足以振肅百寮明帝曰自宋以來不復有嚴明中丞君今日可謂近世步少以文章顯後夢郭璞問其取筆乃探懷中五色筆以授之南史

春誦夏弦江夢孫字脩之九江湓城人諸生弟子不遠數郡至者百人春誦夏弦以時講聞鼓篋函丈庠序常盈先主輔政欲廣賢良之術聞其德業遂以幣帛聘之為芸閣郎甚被親禮江南野史

風流不墜江敷湛之孫為丹陽丞袁粲為尹嘆曰風流不墜政在江郎

善政著名江秉之祖道在宋為烏程令以善政著名東土徵為建康令為政嚴察部下肅然後為山陰令人戶三萬政事繁擾秉之御繁以簡常得無事並南史

冠軍將軍江悅之好兵書有將畧梁初進號冠軍將軍北史

龐

非卿豈能成功皇朝龐籍字醇之單州武成人也舉進士累擢殿中侍御史慶曆四年召拜樞密副使籍請併省官屬徙兵就食於是邊費什省七八八年為參知政事明年以工部侍郎為樞密使籍言近世養兵務多而

不精請與中書議簡汰之法仁宗疑焉籍曰儻有一夫之呼臣請以百口償之卒省兵八萬人皇祐三年拜同中書門下平章事昭文館大學士儂智高叛命狄青爲宣撫使或言青不可專任仁宗以問籍籍曰青起行伍若以文臣副之則號令不專不如不遣也仁宗然之及捷書至仁宗謂籍曰非卿執議豈能成功

鹿門採藥逸民龐公居峴山之南未嘗入城府夫妻相敬如賓劉表問曰先生苦居畝畝而不肯官祿何以遺子孫乎公曰世人皆遺之以危今獨遺之以安未爲無所遺也遂携妻子登鹿門山採藥不反

錦繡萬花谷續集卷之十五

錦繡萬花谷續集卷之十六

類姓

郗

儒雅之士郗鑒字道徽王敦專制拜安西將軍鎮合肥敦忌之表徵還與敦相見鑒曰丈夫既潔身北面豈可偷生屈節覲顏天壤耶敦素懷無君之心聞鑒言大怒之拘不遣敦之黨與譖毀日至鑒舉止自若初無懼心敦謂錢鳳曰郗道徽儒雅之士名位既重何得害之晉史

本傳

百僚所憚郗隆始寒亮有匪躬之節初爲尚書轉左丞在朝爲百僚所憚本傳

糜

安漢將軍糜竺拜安漢將軍雍容敦雅而翰翮非所長待之以上賓之禮未嘗有所統御雍容風議見禮於世

蜀志

皮 少有武畧皮豹少有武畧太武時拜使持節仇池鎮將有威信以前後戰功擢為內都大官

北史

九諷七愛 皮日休唐之文士著桃花賦九諷七愛

文粹

施

論經石渠 施雠與田王孫受易梁丘賀薦之拜為博士與五經諸儒雜論同異於石渠閣前儒林傳

心筭口占 施文慶陳後主以為中書舍人明間吏職心

筭口占

南史

眚

著知命論眚夸少有大度不拘小節耽好書傳不以世務經心浩然物表高尚不仕寄情丘壑或謂夸曰吾聞有大才者必居貴仕子獨何在桑榆乎乃著知命論以釋之

北史

支

廬墓 支叔才隋末荒饑母為賊執叔才告以情賊閱其孝為解母病癰叔才吮瘡注藥及亡廬墓有白鵲止其傍高宗表異其家

唐書

綦

豐挽三石弓四張 綦連猛少有志氣便弓馬齊神武時以軍功封廣興縣侯梁使來求角武藝遣猛接之梁人

引弓兩張皆三石猛併取四張疊挽過度梁人嗟服出
為定州刺史寬惠清慎吏人稱之

韋

鄒魯大儒 韋賢魯國鄒人其先韋孟楚元王傳賢篤志
於學通禮尚書以詩教授號鄒大儒

儒宗 韋彪孝行純至雅稱儒宗舉孝廉除郎中三輔諸
儒莫不仰慕之顯宗召拜謁者賜車馬衣服數陳政術
每歸寬厚拜大鴻臚

郇公五雲體 韋陟遷吏部侍郎常以五采牋為書記使
侍妾主之陟惟署名自謂所書陟字若五朶雲時人慕
之號郇公五雲體並本傳

時

有功第一 時溥為州牙將黃巢亂京師節度使支詳遣
溥與陳蕃率兵五千西討至萊蕪大破之諸將家有功
惟溥功第一加檢校司徒司中書門下平章事進檢校
太尉兼中書令鉅鹿郡王五代史

師

社稷臣 前師丹治詩舉孝廉為郎徵為光祿大夫後為
太子太傅後至大司空經為世儒宗德為國黃耇可謂
社稷之臣本傳

伊

雍容諷議 伊籍為左將軍從事中郎使於孫權權聞其
才辯欲逆折之適入拜權曰勞事無道之君乎即對曰
一拜一起未足為勞且機捷類如此遷昭文將軍雍容

諷議見禮於世 蜀志

盧

清澹有遠識 盧欽世以儒宗顯清澹有遠識領吏部舉必以材稱為廉平之稱著於方夏歷宰州郡不尚功名惟以平理為務祿俸散之親故不營貲產 晉書
五兵尚書 盧潛少有成人志尚文襄言其終可大用歷司州別駕江州刺史所在有善政除揚州刺史在淮南十三年大樹風績徵為五兵尚書

朱

善美之士 朱季吏畏其威人懷其惠肅宗召拜僕射上便宜報曰補公家之闕不累清白之素斯善美之士也
四官皆珥貂 朱异徧覽經史尤明禮易明山賓表薦异

云金山萬丈緣陟未登玉海千尋窺映不測為太子博士居權要三十餘年自負外常侍至侍中四官皆珥貂自右衛率至領軍四職並驅鹵簿

疏

明春秋為博士 疏廣明春秋徵為博士徙為太子太傅

問

上賓問大肥蠕蠕人也 道武時歸魏與弟並為上賓入八議後以戰功授榮陽公

魚

言聞數百步 魚俱羅馮翊人聲氣雄壯言聞數百步在隋拜豐州總管突厥入境輒擒斬之自是屏迹不敢畜牧於塞下 並北史

徐

負石入海鄒陽上書曰徐衍負石入海義不苟取比周

於朝以移主上之心新序

陳蕃設榻徐穉字孺子豫章南昌人太守陳蕃不接賓

客惟穉來特設一榻去則懸之桓帝以安車萬縑備禮

徵之不至角立傑出南州高士本傳

柱臣徐宣文帝時為御史中丞有選尚書桓範薦宣體

忠厚之行秉直亮之性清雅特立不拘世俗確然難動

有社稷之節歷位州郡所在稱職以為左僕射詔曰宣

歷仕三朝公亮正色有託孤寄命之節可謂柱臣也魏志

佳吏部徐寧為興縣宰通朗博涉庾亮每屬桓彝覓一

佳吏部及遇寧欣然謂亮曰為卿得佳吏部矣徐寧真

海岱清士因為叙之即遷吏部郎本傳

端貳之才徐嵩少以清白著稱符堅時舉賢良為郎中

遷長安令貴戚子弟犯法者一比皆考竟請託路絕落落

有端貳之才出載記

風亭月觀徐湛之事祖母及母以孝聞後為南兗州刺

史善政俱肅威惠並行起風亭月觀吹臺琴室招集文

士盡遊玩之適

石麒麟徐陵年數歲沙門釋寶誌摩其頂曰天上石麒

麟也並南史

忠臣徐鉉十歲能屬文與韓熙載齊名江南謂之韓徐

仕吳為秘書郎南唐為吏部尚書王師圍金陵煜遣鉉

朝京師求緩兵太祖以禮遣之後隋煜至京師太祖責

之鉉對曰臣仕江南國亡不能死臣之罪也太祖歎曰忠臣也以爲太子率更令從征太原加給事中出爲左散騎常侍

虞

南陽太守 虞延初生其上有物若一匹練遂上升天占者以爲吉及長長八尺六寸腰帶十圍力能扛鼎建武初除細陽令歲時伏臘輒休遣徒繫使歸家並感其德應期而還遷洛陽令外戚斂手莫敢干法遷南陽太守

十二通尚書 虞詡十二通尚書爲朝歌長故舊皆弔曰得朝歌何衰詡曰不遇盤根錯節何以別利器太守馬稜曰君儒者當謀謨廟堂後羌寇武都以詡有將帥之畧遷武都太守

五絕 虞世南性沈靜與兄世基同受學于吳顧野王餘十年精思不懈文章婉縟世基辭章清勁過世南而世南博不及也大業中至秘書郎秦王踐祚拜弘文館學士人慕嚮之謂之登瀛洲世南貌儒謹外若不勝衣而中抗烈論議持正帝嘗命寫列女傳於屏風於時無本世南暗疏之無一字謬帝每稱其五絕一德行二忠直三博學四文詞五書翰帝手詔魏王泰曰世南於我猶一體拾遺補闕無日忘之 並本傳

錦繡萬花谷續集卷之十七

類姓

胡

天下中庸胡廣察孝廉試為天下第一尚書郎五遷尚書僕射為太傅時年已八十繼母在堂朝夕瞻省諺曰萬事不理問伯始天下中庸有胡公在公台二十餘年出廣字伯始本傳

家世將門晚乃好學滅

醜虜於河西制凶酋於硜北後加鎮軍大將軍晉書

舉進士第一皇朝胡旦字周父舉進士第一通判昇州

代還遷左拾遺出漕淮東徙知海州淳化中直集賢院復知制誥父之通判襄州尋以祕書監致仕

胡公塘胡宿舉進士召試爲館閣校勘改集賢校理通判宣州知湖州築石塘百里捍水患大興學校學者盛於東南自湖學始旣去而思之名其塘曰胡公塘而學者爲立生祠又爲兩浙轉運使召還修起居注知制誥入翰林

余

三使北戎 余靖字安道舉進士遷祕書丞集賢校理范仲淹以言事忤意貶饒州諫官御史不敢言靖上疏論仲淹不當貶且言陛下親政以來屢逐言事者恐鉗天下口不可坐落職知秦州慶曆中除右正言方是時仁宗勵精政事增諫官員將外有所爲靖數言事合意遷知制誥三使北戎時相忌之出知吉州六年知虔州帥

潭移青州

吾

有卿相之骨 吾粲生數歲城姬見謂其母曰是兒有卿相之骨 吳志

蘇

二天 蘇章字孺文爲冀州刺史故人爲清河太守行部接其姦賊乃請太守喜曰人皆有一天我獨有二天章曰今夕蘇孺文與故人飲者私恩也明日冀州刺史按事者公法也遂舉正其罪州境望風畏肅 本傳

累世二千石 蘇綽累世二千石綽有王佐才對周文指陳帝王之道周文不覺膝之前席曰綽真奇士即拜行臺左丞參典機密常以天下爲己任博求賢俊共弘正

道北史

十歲上書蘇文長十歲上書周武帝異其幼問讀何書

對治孝經論語帝曰何言可道答曰為國者不敢侮於

鰥寡為政以德帝曰善唐本傳

文章擅天下皇朝蘇洵屢舉進士賢良不中至和嘉祐

間與其二子軾轍至京師歐陽脩得洵書二十篇大愛

其文辭以為賈誼劉向不過也以其書獻諸朝名動京

師而蘇氏文章遂擅天下一時學者皆尊其賢學其文

以為師法以其父子俱知名號為老蘇

吳
隱若一敵國吳漢為人質厚少文造次不能以辭自達

光武曰吳公差強人意隱若一敵國矣及在朝廷斤斤謹

質形於體貌勇鷙有智謀諸將鮮能及者拜大司馬封

廣平侯本傳

白首一節吳良恭儉安貧白首一節顯宗以為議郎

儒雅標名吳隱之博涉文史以儒雅標名弱冠而介立

有清操事母孝謹遷晉陵太守後良吏傳

制舉入三等皇朝吳育為人明敏勁果強學博辯舉進

士甲科舉賢良方正策入三等前此未有也除著作郎

集賢院慶曆五拜右諫議大夫樞密副使數月餘除參

知政事

符

談辭如雲符融遊太學師事李膺每見融輒絕他賓客

聽其言論融幅巾奮袂談辭如雲膺每捧手嘆息本傳

續

清談不及世務皇朝符彥卿少事唐漢周封魏王宋興
遷太師為御史所糾退居于洛八年間乘小車駟遍遊
佛寺名園人服其曠達對賓客清談終日不及世務

于

高門于永嗣至御史大夫始于公其門閭壞父老方共
治之公謂曰少高大令容駟馬高蓋車我治獄多陰德
子孫必有興者至定國為丞相永為御史大夫封侯傳
世云本傳

樂賢下善于休烈機鑒融敏善文章第進士又擢制科
歷秘書省正字肅宗立兼修國史時經大盜後史籍燔
缺休烈奏獻史籍進官獻五代論詩著舊章天子嘉之
雖歷清要不治產性恭儉仁愛樂賢推轂士甚眾年老

嗜學不厭唐本傳

舒

獻文闕下舒元輿大和五年獻文闕下不得報上書自
言所上八萬言其文鍛鍊精粹出入今古數千百年披
剔刮抉有可以輔教化豈主父可比哉容軒隨筆

俞

少有高行俞紫芝少有高行不娶得浮屠氏心法所至
條然而工於詩王荆公居鍾山秀老數相往來尤愛重
之每見於詩所謂公詩何以解人愁初日芙蓉映碧流
未怕元劉爭獨步不妨陶謝與同遊是也秀老嘗有夜
深童子喚不起猛虎一聲山月高之句尤為荆公所賞
和云新詩比舊仍增峭若許追攀莫太高秀老卒於元

祐初惜時無發明者不得與林和靖一流槩見於隱逸

奚

世稱忠孝奚斤代人也仕魏為侍郎親近左右後為左

丞相世稱忠孝每議政多見從用朝廷稱焉

少有將畧奚眷少有將畧道武世有戰功為武牢鎮將

為寇所憚並北史

賢士奚陟少篤志通羣書大曆末擢進士文辭清麗科

授弘文館校書郎病癱帝遣醫療視勅曰陟賢臣為我

善治之唐本傳

嵇

龍章鳳姿嵇康字叔夜其先姓奚避怨徙鉅家于嵇山

之側因而命氏龍章鳳姿天質自然與魏室婚拜中散

大夫彈琴詠詩自足於懷為竹林七賢之遊呂安服康

高致每一相思命駕千里子紹 晉本傳

黎

孝行聞於世黎景熙少以孝行聞於世好讀書強記默

識而無應對之能落魄不事生業有書千餘卷不以饑

寒易操後拜著作佐郎勤於所職著述不怠性尤專固

不合於一時一為史官十年不調終儀同三司北史

注

注君通注丹字子玉傳孟氏易建武初為大鴻臚作易

通論七篇世號注君通易家宗之稱為大儒後儒林傳

齊

王佐才齊瀚少開敏年十四見李嶠嶠稱有王佐才中

宗在廬陵瀚上言請抑諸武迎太子東宮不報及太子還武后召瀚宴同明殿諭曰朕母子如初卿預有力焉方不次待爾及進士第以拔萃調蒲州司法叅軍景雲初姚崇取爲監察御史凡劾奏常先風教號善職開元初爲給事中中書舍人

唐本傳

歸

對策第一 歸宗敬治禮家學多識容典擢明經天寶中舉博通墳策科對策第一有詔舉才可宰百里者復策高等授左拾遺

倪

課第一 倪若水擢進士第遷監察御史黜陟劍南道繩舉嚴允課第一開元初爲汴州刺史政清淨增修孔子

廟興州縣學廬勸生徒身爲教化風化興行玄宗遣中人捕鵠鵲鷓鴣江南若水上言帝手詔褒答

唐本傳

雲陵集 皇朝倪濤博學能文有操履舉進士擢太常博士遷校書郎著作佐郎賜對除司勳員外郎遷左司朝廷議有事燕雲濤獨曰母輕議以貽後患宰相怒曰左司敢沮軍事耶罷監朝城縣酒稅再謫茶陵造船場有詩文號雲陵集

錦繡萬花谷續集卷之十七

錦繡萬花谷續集卷之十八

類姓

裴

後進領袖裴秀八歲能屬文時語曰後進領袖有裴秀

後為司空 晉本傳

玉山映人裴楷以清通用為吏部郎時人稱見裴叔則

如近玉山映照人也 本傳

廊廟之才裴松之博覽墳籍立身簡素宋武帝克洛陽

松之居州行事武帝曰松之廊廟之才不宜久居邊務

召為太子洗馬轉中書侍郎 南史

三河領袖裴駿魏太祖曰駿有當世才其忠義可嘉補

中書博士崔浩目為三河領袖宋使來聘以駿有才學

假散騎常侍於境上勞接北史

獨立使君裴俠州辟主簿舉秀才後除河北郡守愛人

如子惟食菽麥而已人歌曰肥鮮不食丁庸不取裴公

貞惠為世規矩嘗與諸牧守俱謁周文周文命俠別立

謂諸牧守曰俠清慎奉公為天下最衆有如俠者可與

之俱立衆皆默然無敢應者號為獨立使君並北史

卧護北門裴度在朝闈豎擅權天子擁虛器縉紳道喪

不復有經濟意乃治第東都集賢里號綠野堂野服蕭

散與白居易劉禹錫為文章窮晝夜相歡不問人間事

帝問度安否開成二年復以本官節度河東度牢辭帝

命宣諭曰為朕卧護北門可也上以宴羣臣曲江度不

赴帝賜詩曰注想待元老識君恨不早我家柱石哀憂

來學丘禱本傳

梅

傳以為仙梅福字子真明尚書穀梁春秋補南昌尉王

莽專政一朝棄妻子去九江至今傳以為僊後有見福

於會稽者變名姓為吳市門卒前本傳

世以詩名梅堯臣世以詩名堯臣遂以詩聞天下嘉祐

元年翰林學士趙槩等言于朝曰梅堯臣經行修明願

得留與國子諸生講論道德作為雅頌以歌詠聖化乃

得國子監直講官至都官員外郎歐陽修論其詩曰世

雷

投金承塵上雷義為郡功曹嘗濟人死罪罪者以金謝

之不受金主侯義不在默投金於承塵上後葺屋得金
金主已死乃以付縣曹與陳重為友語曰膠漆自謂堅
不如雷與陳後本傳

六矢著面不動雷萬春事張巡為偏將令狐潮圍雍丘
萬春立城上與潮語伏弩發六矢著面萬春不動潮疑
刻木人謀得其實乃驚遙謂巡曰向見雷將軍知君之
令嚴矣

王佐才雷簡夫在雅州蘇洵往見之簡夫謂曰子王佐
才也薦之于張方平韓琦歐陽修三人者延譽如不及
洵名振京師蓋自簡夫始云

臺

隱居南山臺產專京氏易善圖讖祕緯天文洛書風角

星筭尤善望氣占候推步之術隱居商洛南山劉曜時
位至特進晉藝術傳

來

社稷臣來歙光武拜為太中大夫為人信義言行不
違及往來遊說皆可案覆西州士大夫皆信重之曾孫
歷字伯珍少襲爵朝廷咸稱社稷臣後本傳

圖像以進來護兒常曰大丈夫當為國滅賊以取功名
安能區區專事筆硯後平江南位大將軍隋文嘉其功
使畫工圖其像以進遷瀛州刺史以善政聞煬帝曰昔
國步未康卿為名將今天下無事又為良二千石可謂
兼美封榮國公北史

崔

鬚長四尺崔琰遷中尉鬚長四尺甚有威重朝士瞻望而太祖亦敬憚焉魏志

南鷄北鷹崔洪少以清厲顯名骨鯁不同於物人之有過輒面折之為尚書左丞語曰叢生棘刺來自博陵在南為鷄在北為鷹遷吏部尚書晉史

京師灼灼崔儵署其戶曰不讀五千卷書者無得入此室初舉秀才為散騎侍郎歷尚書郎與李若俱見稱重語曰京師灼灼崔儵李若仕隋累遷散騎侍郎

千里駒崔昂事母以孝聞孝芬曰此兒終當遠至是吾家千里駒北史

清吏鄭善果母崔氏性賢明有節操善果出聽事母輒坐胡牀於障後察之聞其剖斷合理歸則大悅若行事

不允乃蒙袂而泣終日不食善果由此克已號為清吏
年不可及崔湜第進士父子同為侍郎與弟液澄以文翰居要官嘗曰吾一門入仕歷官未嘗不為第一湜執政三十八嘗暮出端門緩轡諷詩張說歎曰文與位固可致年不可及

擬八龍崔珙父穎官同州刺史生八子皆有才世以擬漢荀氏八龍珙為人有威重精吏治以拔萃異等累擢嶺南節度使入對延英文宗訪治撫後先珙對精亮有理趣帝咨嗟唐史

陳

上妻陳完字敬仲初懿氏卜妻於敬仲占之曰是謂鳳凰于飛和鳴鏘鏘有媯之後將育于姜五世其昌並於

正卿八世之後莫之與京左傳

門多長者車轍陳平陽武戶牖鄉人也為人長美色門外多長者車轍張負以女孫予之曰固有好美如陳平而長貧賤者乎後果以六出奇計封曲逆侯孝惠時為丞相前本傳

此兒必興吾宗陳羣祖父寔父紀叔父謨皆有盛名號

曰三君寔曰此兒必興吾宗魏初為御史中丞魏志

江表虎臣陳武仁厚好施鄉里遠方客多依託之累有

功勞進位偏將軍江表之虎臣也吳志

四世同居陳玄子四世同居一百七口詔表門閭蠲租

稅孝義傳

上天降佐陳元康機敏有幹用神武遷為都官郎馬上

號令九十餘條元康屈指數盡能記憶神武曰此人世間希有乃上天降佐也北史

真鹽鐵使皇朝陳恕少折節讀書王明知洪州見而歎

曰奇士也知代州入為鹽鐵使恕有知計釐去宿弊太

祖深器之曰真鹽鐵使也拜給事中叅知政事

作慶老堂陳繹奉親至孝嘗作慶老堂以娛其母王介

甫贈之詩云種竹嘗疑出冬筍開池故合涌寒泉韻語

秦

萬石秦氏秦彭與羣從同時為二千石者五人三輔號

曰萬石秦氏遷山陽太守百姓懷愛莫有欺犯姦吏跼

躅無所容詐轉潁川太守仍有鳳皇麒麟甘露之瑞集

其郡境後本傳

圖形凌煙閣秦瓊始爲隋將來護兒帳內母喪護兒遣使祿弔之吏恠曰將軍未有所問而獨弔之何也護兒曰是子才而武豈久處貧賤邪後降高祖拜馬軍總管破尉遲敬德帝賜以黃金瓶勞曰卿不恤妻子而來歸我且又立功使朕肉可食當刈以啖爾况子女玉帛乎從討世克等三盜積賜以千萬討封翼國公卒太宗圖形凌煙閣本傳

申

安車駟馬申公魯人也弟子自遠方至受業者百十人申公獨以詩經爲訓武帝使使東帛加璧安車駟馬迎申公至見天子問治亂之事時已八十餘對曰爲治者不在多言顧力行何如耳乃以爲太中大夫漢史

威惠兼著申怙歷下邳北海二郡太守所至皆有政績爲太山太守威惠兼著吏人便之南史

錦繡萬花谷續集卷之十九

類姓

荀

八龍荀淑少有高行補朗陵侯相涖事明理稱為神君

有子八人儉緝靖肅注爽肅專並有稱名時人謂八龍

改其里曰高陽里靖有至行不仕號玄行先生爽字慈

明十二通春秋論語穎川語曰荀氏八龍慈明無雙

非常人荀攸字公達入為尚書曹操曰公達非常人以

為軍師魏國初建為尚書令常謀謨帷幄人之師表前

後凡畫奇策十二魏志

醜舍人荀士遜為文清典見賞知音在齊為中書舍人

狀貌甚醜目曰醜舍人

辛

引裾 辛毗為侍中諫文帝徙民實河南帝不答起入内毗隨而引其裾

甄

教授數百人 甄宇教授常數百人建武中徵拜博士傳業子普普傳子承諸儒以承三世傳業莫不歸服之子孫傳學不絕 後儒林傳

還金之美 甄法崇父匡位少府卿以清聞法崇宋初為江陵令孫彬有行業鄉人稱善嘗以紵就人質錢後贖紵於束中得五兩金即送還之後為益錄事參軍帶郢縣令將行同列五人梁武戒以廉慎至彬獨曰卿昔還金之美故不復以此言相屬 南史

五辟詔十至 甄濟好學以文雅稱居青巖山十餘年遠近服其仁不敢畋漁諸府五辟詔十至堅臥不起 唐本

文

真忠臣 文聘太祖曰卿真忠臣也為江夏太守有威恩名震外國則不敢侵遷後將軍封新野侯 魏志

殷

表門閭 文獻叔八世同居詔表門閭蠲租稅 南史

風流談論所宗 殷浩弱冠有美名為風流談論者所宗

廊廟之寶 殷仲堪能清言善屬文武帝召為太子中庶子甚相親愛後出鎮江陵將之任詔曰卿去有日使人酸然常謂永為廊廟之寶而忽為荆楚之珍 並晉史

冠冕一時 殷景仁少有大成之量宋文帝時為侍中以

風力局幹冠冕一時後遷尚書僕射雖臥疾朝政大小必以問焉南史

云

志節比欒布云敞師事吳章王莽斬章禁錮弟子不得仕宦門人盡更名他師敞時為大司徒掾自劾吳章弟子收章葬之京師稱焉將軍王舜高其志節比之欒布薦為中郎諫大夫前漢史

雲

屯衛將軍雲定興善製器仗在隋擢少府丞累遷屯衛

大將軍北史

表

四世居三公袁紹高祖父安為漢司空自安以下四世

居三公魏志

國士之交袁式歸魏為上客與崔浩一面便盡國士之

交性長者雖羈旅以泊而清貧守度不失士節時人甚

敬重之北史

轅

治詩博士轅固生治詩孝景時以廉直拜為清河王太傅武帝立復以賢良徵固時公孫弘亦被徵側目而視固固曰公孫子務正學以言無曲學以阿世齊之言詩皆本轅固生史記

垣

此兒必大吾門垣崇祖垣護之弟子年十四有幹畧護之曰此兒必大吾門為瑯琊蘭陵二郡太守齊高帝時

用為豫州刺史進都督破魏軍陳力疆場南史

樊

樊侯學樊重世善農稼貲至萬而賑贍宗族息加鄉閭年八十餘終素所假貸人數百萬遺令焚削文契子宏封壽張侯不求苟進常以前世貴戚為戒宗族染其化未嘗犯法子儵嘗刪定公羊嚴氏春秋章句世號樊侯學東漢史

陪宴積翠池樊子蓋仕隋為武威太守以善政聞煬帝曰人道公清定如此不謝曰臣安敢清止是小心不納賄耳乃賜口味百斛子蓋曰願奉丹陛帝曰公侍朕則一人而已委以四方則萬人之敵也後陪宴積翠池帝親以金盃屬子蓋酒曰良筭嘉謨侯公後動即以此盃

賜公用為末年之瑞

文章成就樊遜專心典籍舉秀才第一楊愔曰文章成就莫過樊孝謙為負外將軍

上下正樊安定樊叔畧仕隋為汴州刺史甚有聲稱遷相州刺史政為第一璽書褒美班示天下百姓語曰智無窮清鄉公上下正樊安定出封清鄉安定公徵拜司農卿並北史

排闥樊噲項羽目曰壯士排闥見高帝封舞陽侯願得十萬眾橫行匈奴漢史

元

解穰侯印元文遙敏慧夙成仕齊授中書舍人宣傳文武號令楊遵彥云堪解穰侯印者必在斯人

一心事主元諧家世貴盛以軍功累遷大將軍拜寧州刺史頗有威惠性剛復不能取媚於左右嘗言於隋文曰臣一心事主不曲取人意並北史

樂籠中物元澹博學通故訓及進士第狄仁傑器之嘗謂仁傑曰聞下之事上譬富家儲積以自資也門下充旨味者多矣願以小人備一藥石可乎仁傑笑曰君正吾藥籠中物不可一日無也授太常少卿以系出拓拔恨史無編年乃撰魏典三十篇事詳文畧學者尚之傳

源

吏事自許源師字踐言明辯有識悟尤以吏事自許仕隋累遷尚書左丞以明幹著拜大理少卿

上柱國源雄少寬厚美姿容以平陳功進位上柱國北史

言

武城絃歌言偃字子游為武城宰子之武城聞絃歌之聲

孫

著兵法十三篇孫子武斬吳王愛姬以行軍法闔廬以為將西破強楚入郢比威齊晉顯名諸侯孫子與有力焉著兵法十三篇史記

臨七郡五州孫禮凡臨七郡五州皆有威信後為司隸

校尉遷司空蜀志

折我右臂孫奉齊神武命作檄文援筆立就其文甚美神武大悅即署相府主簿專典文筆及卒神武曰折我右臂北史

詔臣孫伏迦武德初上言三事帝大悅即詔以伏迦至誠慷慨據義懇切為治書侍御史初帝受禪伏迦最先諫帝語裴寂曰若孫伏迦可謂誼臣矣唐史

書樓孫氏孫抃六世祖長孺喜藏書為樓而置其上蜀人謂之書樓孫氏中進士甲科

今之賈誼孫洙字巨源年十九舉進士調秀州司戶包拯歐陽脩舉洙賢良方正洙上策論五十篇善言祖宗事指切治體推往較今分辯得失韓琦見而竒之曰今之賈誼也並皇朝

温

六龍温羨兄弟六人並知名於世號曰六龍至吏部尚

書晉史

卿相才温大雅性至孝與弟彦博大有皆知名薛道衡見之歎曰三人者皆卿相才也高祖兵興主文檄受禪討定儀典遷皇明侍郎而彦博為中書侍郎帝嘗曰我起晉陽為卿一門耳

處一墅温造嗜書少所降屈不喜為吏隱王屋山人號其居曰處士墅慨然有高世心並唐史

錦繡萬花谷續集卷之十九

